



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN

Numri i lëndës: 2019:236608  
Datë: 20.03.2024  
Numri i dokumentit: 05481142

P.nr.319/20

**NË EMËR TË POPULLIT**

**GJYKATA THEMELORE NË PRIZREN - Departamenti i Përgjithshëm Penal-** gjyqtari Lulzim Hoxha, me bashkëpunëtoreshen profesionale Afërdita Kicaj, në çështjen penale kundër të akuzuarit: F. (D.) K., nga fshati Nagavc, Komuna e Rahovecit, për shkak të veprës penale: shmangia nga pagesat e tarifave të detyrueshme doganore ose tarifave akcizore nga neni 312 par.4 lidhur me parag.1 të KPRK-së, nr.06/L-074, sipas aktakuzës së Prokurorisë Themelore në Prizren, PP/II.nr.2031-12/19 të datës 29.05.2020, pas mbajtjes së shqyrtimit fillestar, në praninë e Prokurorit të Shtetit të Prokurorisë Themelore në Prizren Ramadan Koro, përfaqësuesi i palës së dëmtuar B.B., i akuzuari F. K., me mbrojtësin av. S.M., me datë 19.03.2024, publikisht mori dhe shpalli, ndërsa me datë 20.03.2024 përpiloi këtë:

**A K T G J Y K I M**

**I akuzuari:**

**F. K.**, nga i ati D., dhe e ëma ....., e lindur ....., i lindur me datën .....në fshatin Nagavc K. Rahovecit, ku edhe tani jeton, i martuar, baba i dy fëmijëve, ka të kryer shkollën fillore, tregtar, i gjendjes së mesme ekonomike, shqiptar, shtetas i Republikë së Kosovës, i identifikuar në bazë të numrit personal: .....,

**ËSHTË FAJTOR**

Se me datën 06.09.2019, në fshatin Krushë e Vogël, Komuna e Prizrenit, në sallonin “.....”, i pandehuri me qëllim që vetës apo personit tjetër ti mundësoj shmangien nga pagesa e tarifave të detyrueshme doganore apo tarifave tjera ose detyrimeve doganore që paguhen me rastin e importit apo eksportit të mallrave, nuk i paraqet mallrat Doganës kur kërkohet nga kodi Doganor dhe i Akcizave të Kosovës, në atë mënyrë që gjatë kontrollit të kryer nga Dogana e Kosovës tek salloni në fjalë janë hasur 14 auto vetura: Audi Q5; BMW 3302; VW Golf VII; VW Tauran; VW Pasat; VW Tiguan; Audi A4; VW Golf VI; Mercedes Benz C320; VW Tigaun; VW Tigaun; Audi A3; Audi A3; Audi A3; për të cilat i pandehuri me rastin e importimit të tyre, nuk i ka deklaruar të njëjtat për ti kryer procedurat doganore brenda afatit të përcaktuar me ligjin për doganat, me ç’rast ka arritur që ti shmanget tarifave doganore në shumën e përgjithshme prej 35.481.79 euro, duke i shkaktuar buxhetit të Kosovës dëm të konsiderueshëm material.

**Me këto veprime ka kryer veprën penale: shmangia nga pagesat e tarifave të detyrueshme doganore ose tarifave akcizore nga neni 312 par.4 lidhur me parag.1 të KPRK-së, nr.06/L-074.**

Andaj, gjykata në bazë të dispozitave të lartshënuara dhe neneve 4, 7, 8, 9, 17, 38, 39, 43, 46, 47, 48, 49, 50, 69, 70, 71,72, të KPRK-së, si dhe nenit 364 KPPRK-së,

Të akuzuarit i shqipton :

### **DËNIM ME GJOBË**

- Në shumën prej **dymijë (2.000,00) €**, për veprën penale si në dispozitivin e këtij aktgjykimi, të cilin dënim me gjobë i akuzuari është i obliguar që ta paguaj në afat prej 15 ditë pas plotfuqishmërisë së këtij aktgjykimi.
- Nëse i akuzuari F. K., nuk mund apo nuk dëshirojnë ta paguajë dënimin me gjobë në shumën e lartcekur, atëherë gjykata konform nenit 43 par. 3 të KPRK-së, dënimin me gjobë, do t'ia zëvendësoj me dënim me burgim, ashtu që për çdo 20 € llogaritet 1 (një) ditë burgim, gjithsej 100 ditë burgim.

*Si dhe:*

### **DËNIMIN ME KUSHT**

- Duke ia vërtetuar dënimin me burgim në kohëzgjatje prej një (1) viti, i cili dënim nuk do të ekzekutohet nëse i akuzuari brenda afatit të verifikimit prej dy (2) viteve nuk kryen ndonjë vepër tjetër penale.
- Në qoftë se i akuzuari gjatë kohës së verifikimit kryen një apo më shumë vepra penale për të cilat është shqiptuar dënimi me burgim prej dy (2) apo më tepër vjet i njëjti do të revokohet.
- I dëmtuari me adresë si në shkresat e lëndës për realizimi e kërkesës pasurore juridike udhëzohet në kontestin e rregullt civil-juridik.
- **OBLIGOHET** i akuzuari F. K., që ti kompensoj shpenzimet e procedurës penale, sipas llogarisë përfundimtare, duke përfshirë të gjitha shpenzimet, kurse në emër të paushallit gjyqësor të paguaj shumën prej (20) njëzet euro, në emër të fondit për kompensimin e viktimave të krimit shumën prej (20) njëzet euro, të gjitha këto brenda afatit prej 15 ditësh nga dita e plotfuqishmërisë së këtij aktgjykimi, nën kërcënimin e përmbarrimit ligjor.
- Urdhërohet Shërbimi Sprovues i Kosovës - dega në Prizren, që të bëjë mbikëqyrjen e dënimit me kusht

### **A r s y e t i m**

Prokuroria Themelore në Prizren - Departamenti i Përgjithshëm Penal, pranë kësaj gjykate ka parashtruar aktakuzë nën numrin PP/II.nr. 2031-12/19 të datës 29.05.2020, kundër

të akuzuarit: F. (D.) K., nga fshati Nagavc, Komuna e Rahovecit, për shkak të veprës penale: shmangia nga pagesat e tarifave të detyrueshme doganore ose tarifave akcizore nga neni 312 par.4 lidhur me parag.1 të KPRK-së, nr.06/L-074.

Duke vepruar në këtë çështje penale, gjykata ka caktuar shqyrtimin fillestar më datë 19.03.2024, në të cilin i akuzuari e ka pranuar fajësinë për veprën penale e cila i vihet në barrë sipas aktakuzës së lartcekur.

Bazuar në pranimin e fajësisë nga ana e të akuzuarit dhe konform dispozitave të nenit 241 e 242 të KPP-së, gjykata nuk është lëshuar në procedimin e provave.

I akuzuari F. K., deklaron se: e ka të qartë aktakuzën dhe e pranon fajësinë sipas pikave të aktakuzës.

Mbrojtësi i të akuzuarit av. S.M., deklaron se: nuk e kundërshtoj pranimin e fajësisë. Sa i përket matjes së dënimit llojit dhe lartësisë së tij propozoj gjykatës që të mbrojturit tim ti shqiptohet një dënim më i butë përkatësisht dënim alternativ të kushtëzuar pasi që i mbrojturi im e ka pranuar fajësinë, është penduar për veprimet e tija, është hera e parë që ka ra ndesh me ligjin, është i gjendjes së dobët ekonomike, dhe ka një biznes individual për mbajtjen e familjes, kërkon falje gjykatës si dhe të dëmtuarës edhe pse në rastin konkret dogana nuk është e dëmtuar të gjitha obligimet i ka paguar andaj konsideroj se edhe me një vendim të tillë do të arrihet qëllimi i sanksionit penal të mbrojturit tim, dhe do të shërbej si preventiv për të ardhmen që të përmbahet në kryerjen e veprave të tilla.

Prokurori i shtetit deklaroi se: nuk e kundërshton pranimin e fajësisë. Pasi që ky pranim i fajësisë është bërë në mënyrë vullnetare pa presion duke e ditur pasojat dhe benifitet një pranim i tillë si dhe është bërë pas konsultimeve të mjaftueshme me mbrojtësin e tij. Gjykatës me rastin e shqiptimit të llojit dhe lartësisë së dënimit propozoj që si rrethanë lehtësuese merr pranimin e fajësisë, dhe karakteristikat e tij personale pasi që nuk kemi aktgjykime dënuese ndaj të njëjtit, ndërsa si rrethanë rënduese si dashjen e kryerjes së veprës penale dëmin e shkaktuar buxhetit të Kosovës.

Përfaqësuesi i palës së dëmtuar B.B., deklaroi se: nuk e kundërshton pranimin e fajësisë, mbështesim fjalët e prokurorit, parashtroj kërkesë pasurore juridike.

Palët heqën dorë nga seanca mbi caktimin e dënimit.

Në shqyrtimin fillestar, gjykata, pas dëgjimit të palëve, ka marrë aktvendim me të cilin e ka pranuar pranimin e fajësisë, ngase ka konstatuar se janë plotësuar të gjitha kushtet ligjore për një gjë të tillë, në këtë aspekt, i akuzuari e ka kuptuar natyrën dhe pasojat e pranimit të fajësisë, se pranimi i fajësisë është bërë vullnetarisht nga ana e të akuzuarit, se pranimi i fajësisë mbështetet në faktet e çështjes që përmban aktakuza dhe aktakuza nuk përmban asnjë shkelje të qartë ligjore ose gabime faktike.

Gjykata në shqyrtim fillestar nga pranimi i fajësisë nga ana e të akuzuarit dhe provave materiale në shkresat e lëndës, ka vërtetuar këtë gjendje faktike:

Se me datën 06.09.2019, në fshatin Krushë e Vogël, Komuna e Prizrenit, në sallonin “.....”, i pandehuri me qëllim që vetës apo personit tjetër ti mundësoj shmangien nga pagesa e tarifave të detyrueshme doganore apo tarifave tjera ose detyrimeve doganore që paguhen me rastin e importit apo eksportit të mallrave, nuk i paraqet mallrat Doganës kur kërkohet nga kodi Doganor dhe i Akcizave të Kosovës, në atë mënyrë që gjatë kontrollit të kryer nga Dogana e

Kosovës tek salloni në fjalë janë hasur 14 auto vetura: Audi Q5; BMW 3302; VW Golf VII; VW Tauran; VW Pasat; VW Tiguan; Audi A4; VW Golf VI; Mercedes Benz C320; VW Tigaun; VW Tigaun; Audi A3; Audi A3; Audi A3; për të cilat i pandehuri me rastin e importimit të tyre, nuk i ka deklaruar të njëjtat për ti kryer procedurat doganore brenda afatit të përcaktuar me ligjin për doganat, me ç'rast ka arritur që ti shmanget tarifave doganore në shumën e përgjithshme prej 35.481.79 euro, duke i shkaktuar buxhetit të Kosovës dëm të konsiderueshëm material.

Me këto veprime ka kryer veprën penale: shmangia nga pagesat e tarifave të detyrueshme doganore ose tarifave akcizore nga neni 312 par.4 lidhur me parag.1 të KPRK-së, nr.06/L-074.

Gjykata, gjendjen e këtitillë faktike e ka vërtetuar nga vet pranimi i fajësisë prej të akuzuarit, i cili në seancën e shqyrtimit fillestar vullnetarisht e ka pranuar fajësinë, andaj gjykata nuk ka administruar provat. Sipas detyrës zyrtare, gjykata nuk gjeti se ekziston ndonjë provë e pa pranueshme sipas nenit 251 të KPPK-së.

Gjithashtu, në tërësi ka vërtetuar se i akuzuari e ka kuptuar natyrën dhe pasojat e pranimi të fajit, pranimi i fajit është bërë në mënyrë vullnetare dhe pa kushtëzim dhe mbështetet në fakte dhe prova materiale të cilat janë paraqitur në aktakuzë, për të cilat i akuzuari ka qenë i njoftuar me të gjitha provat materiale dhe se aktakuza nuk përmban asnjë shkelje të qartë ligjore ose gabime faktike.

Kësisoj, gjykata ka ardhur në përfundim se pranimi i fajësisë nga ana e të akuzuarit është bërë në pajtim me nenin 240 lidhur me neni 242, dhe se në veprimet e të akuzuarit F. K.,t formohen të gjitha elementet e veprës penale: shmangia nga pagesat e tarifave të detyrueshme doganore ose tarifave akcizore nga neni 312 par.4 lidhur me parag.1 të KPRK-së, nr.06/L-074, dhe për këtë gjykata ka vendosur që të akuzuarin ta shpall fajtor dhe t'i shqiptoj dënimin si në dispozitiv të këtij aktgjykimi, paraprakisht duke e vërtetuar përgjegjësinë e tij penalo-juridike.

Gjatë marrjes së vendimit mbi llojin dhe lartësinë e dënimit, gjykata ka vlerësuar të gjitha rrethanat lehtësuese dhe rënduese të parapara në nenin 69, 70, 71.72 të KPK-së, të cilat ndikojnë në zgjedhjen e llojit dhe lartësisë së dënimit. Prej rrethanave lehtësuese, gjykata ka vlerësuar pranimin e fajësisë nga ana e të akuzuarit, pendimin për rastin e ndodhur, kërkim faljen dhe i premtoj gjykatës se nuk do të përsëris veprime të tilla kundërligjore. Ndërsa si rrethanë rënduese gjykata mori për bazë, veprën penale të kryer, niveli i dëmtimit të vlerës së mbrojtur, mënyrën e kryerjes së veprës penale, shkallën e lartë të dashjes, veprimi me përgjegjësi, ku i akuzuari me dashje me qëllim të përF.it të pasurisë për vete apo personave të tjerë, i mundësoj shmangien nga pagesa e tarifave të detyrueshme doganore apo tarifave tjera ose detyrimeve doganore që paguhen me rastin e importit apo eksportit të mallrave, pra nuk i paraqet mallrat Doganës kur kërkohet nga kodi Doganor dhe i Akcizave të Kosovës, andaj gjykata konsideron se me këtë masë sanksionuese do të arrihet qëllimi i dënimit, duke menduar se dënimi i shqiptuar i përgjigjet shkallës së përgjegjësisë së tij dhe me këtë dënim do të arrihet qëllimi i dënimit që në të ardhmen të jetë i kujdesshëm dhe të përmbahet nga veprimet e tilla kundërligjore.

Gjykata vendimin e ka mbështetur duke u bazuar edhe në neni 38 i KPK-së i cili konsiston në *“parandalimin e të akuzuarit nga kryerja e veprave penale në të ardhmen dhe të bëj rehabilitimin e tij, të parandalojë personat tjerë nga kryerja e veprave penale dhe të shprehë*

*gjakimin shoqëror për veprën penale, ngritjen e moralit dhe forcim detyrimin për respektimin e ligjit”.*

- Vendimi mbi shpenzimet e procedurës dhe paushallin gjyqësor, gjykata e mori në kuptim të nenit 449 dhe 452 para. 1 të Kodit të Procedurës Penale të Kosovës ( KPPK-së).
- Vendimi mbi udhëzimin e të dëmtuarit për realizimin e kërkesës pasurore-juridike në kontest të rregullt civil është marrë në pajtim me nenin 462 par. 1. dhe 2. të KPPK-së.
- Vendimi mbi kompensimin e viktimave të Krimit, gjykata e mori në kuptim të nenit 36 parag.3 pika 3.1 të Ligjit me numër 08/L-109. ku thuhet “*për veprën penale që gjykohet në Departamentin e Përgjithshëm të Gjykatës Themelore shuma është prej njëzet (20) Euro*”.

Nga të cekurat si më lartë, u vendos si në dispozitiv të këtij aktgjykimi.

**GJYKATA THEMELORE NË PRIZREN**  
**Departamenti i Përgjithshëm**  
**P.nr. 319/ 20, të datës 20.03.2024**

**B. Profesionale,**  
**Afërdita Kicaj**

**Gjyqtari,**  
**Lulzim Hoxha**

**UDHËZIM JURIDIK:** Kundër këtij aktgjykimi palët kanë të drejtë ankese në afat prej 30 dite nga dita e pranimit të të njëjtit, ankesa i drejtohet Gjykatës së Apelit në Prishtinë nëpërmjet të kësaj gjykate.

Numri i lëndës: 2019:236608  
Datë: 20.03.2024  
Numri i dokumentit: 05481142